

ვენჩურული კაპიტალის ინვესტიციის პროგრამა - ვენჩურული სესხი (VCIP- VD)

მდებარეობა: რეგიონული

პროექტის ნომერი: 52407

ბიზნესის სექტორი: ინფორმაციული და საკომუნიკაციო ტექნოლოგიები

შეტყობინების ტიპი: კერძო

გარემოს დაცვის კატეგორია: FW

დამტკიცების თარიღი: 10 მარტი 2021

სტატუსი: კონცეფცია განხილულია

პროექტის მოკლე ანოტაციის ინგლისურად
გამოქვეყნების თარიღი: 02 თებერვალი 2021

პროექტის აღწერა

EBRD მიზნად ისახავს ინვესტირებას ვენჩურულ, სააქციო კაპიტალით უზრუნველყოფილ, ზრდის პოტენციალის მქონე ტექნოლოგიურ კომპანიებში ვენჩურული სესხის ინსტრუმენტის საშუალებით 10 მილიონ ევრომდე მოცულობით, ბანკის საქმიანობის ქვეყნებში, ვენჩურული კაპიტალის ინვესტიციის პროგრამის მეშვეობით - ვენჩურული სესხი (VCIP-VD), (VCIP-VD იქნება EBRD-ის არსებული პროგრამის ვენჩურული კაპიტალის ინვესტიციის პროგრამის (VCIP) ახალი ინსტრუმენტი და წარმოადგენს ჩარჩო სტრუქტურას, რომელიც შეადგენს 120 მილიონ ევროს.)

ვენჩურული სესხის შემოღება განაგრძობს EBRD-ის ვენჩურული პროდუქტის შეთავაზებას სააქციო კაპიტალის მიღმა და ხელს შეუწყობს EBRD-ის რეგიონებში ზრდის ეტაპზე მყოფი საწარმოების დაფინანსების ბაზრის ხარვეზის დამღევას.

პროექტის მიზნები

VCIP-VD მიზნებია: i) ინოვაციურ ტექნოლოგიაზე დაფუძნებული ბიზნესის გაფართოების ხელშეწყობა და ii) სესხის ბაზრის განვითარება იმ რეგიონებში, სადაც ზრდის ეტაპის ვენჩურული კაპიტალის დაფინანსებაზე წვდომა შეზღუდულია და ვენჩურული სესხი დიდწილად მიუწვდომელია.

VCIP-VD იქნება VCIP-ის ფართო ძალისხმევის დამატებითი ინსტრუმენტი, რომელიც i) ბანკს საშუალებას მისცემს ხელი შეუწყოს ცოდნის ეკონომიკას რეგიონებში, განავითაროს ტექნოლოგიური ეკოსისტემები და მხარი დაუჭიროს ინოვაციებს; ii) ბანკი VCIP-ის საშუალებით მნიშვნელოვან როლს ასრულებს სარისკო კაპიტალის დაფინანსების ხარვეზის შევსებით, რომელიც რეგიონებში არსებობს; iii) VCIP საშუალებას აძლევს ბანკს, შეინარჩუნოს პორტფელის მიდგომა უფრო მაღალი რისკის/უფრო დიდი ბრუნვის ინვესტიციის შესაძლებლობების მიმართ.

შუალედური შედეგი

ETI ქულა: 80

VCIP-VD ჩარჩო ხელს შეუწყობს კონკურენტუნარიან და სტაბილურ გარდამავალ თვისებებს, რადგან იგი მხარს დაუჭერს ინოვაციურ ტექნოლოგიებზე დაფუძნებული კომპანიების ზრდას, ასევე უზრუნველყოფს ვენჩურული სესხის მეტ ხელმისაწვდომობას, რომელიც EBRD-ის რეგიონებში თითქმის არ არსებობს. VCIP-VD დაეყრდნობა VCIP I & VCIP II საშუალებების წარმატებას და უზრუნველყოფს მნიშვნელოვან დახმარებას EBRD-ის რეგიონებში ცოდნის ეკონომიკის განვითარებისათვის, EBRD-ის ცოდნის ეკონომიკის ინიციატივის შესაბამისად.

ინფორმაცია კლიენტის შესახებ

განსხვავებულია თითოეული კლიენტისათვის.

EBRD-ის დაფინანსების ჯამი

100,000,000.00 ევრო.

პროექტის მთლიანი ღირებულება

120,000,000.00 ევრო.

დამატებითი ფაქტორები

VCIP-VD-ის საშუალებით, EBRD უზრუნველყოფს ინოვაციურ დაფინანსების ინსტრუმენტს, ვენჩურულ სესხს, კომერციული პირობებით, რომელიც არ არის

ხელმისაწვდომი სხვა ბანკებისგან ან ვენჩურული სესხის ფონდებიდან, რომელიც მიმართული იქნება EBRD-ის რეგიონებზე.

გარემოს დაცვისა და სოციალური საკითხები

თავად ჩარჩოს არ აქვს კატეგორია მინიჭებული ბანკის გარემოს დაცვისა და სოციალური პოლიტიკის მიხედვით (2019), თუმცა, თითოეულ ქვეპროექტს კატეგორია მიენიჭება ინდივიდუალურად და დაექვემდებარება ინდივიდუალურ გარემოსდაცვით და სოციალურ წინასწარ კვლევას (ESDD), ასევე, განხორციელდება GET შემოწმება კონკრეტული პროექტისა და კლიენტისათვის. ქვეპროექტის კატეგორიიდან გამომდინარე, შესაბამისი ESDD უზრუნველყოფს, რომ თითოეული ქვეპროექტი ჩამოყალიბდეს იმგვარად, რომ შეესაბამებოდეს ბანკის PR-ებს.

ტექნიკური თანამშრომლობა და საგრანტო დაფინანსება

არ იგეგმება.

კომპანიის საკონტაქტო ინფორმაცია

ბაზრომ იბრაგიმოვი
02073386000

პროექტის მოკლე ანოტაციის განახლების თარიღი

5 თებერვალი 2021

შუალედური შედეგის შესახებ

დეტალური ინფორმაციის გაცნობა EBRD-ის შუალედური შედეგების გაზომვასთან დაკავშირებულ მიდგომაზე შესაძლებელია [აქ](#).

ბიზნეს შესაძლებლობები

ბიზნეს შესაძლებლობებისა და შესყიდვების თაობაზე დაუკავშირდით კლიენტ კომპანიას.

EBRD-თან ბიზნეს შესაძლებლობებთან დაკავშირებული ინფორმაციის მისაღებად (რაც არ უკავშირდება შესყიდვებს) დაუკავშირდით:

ტელ: +44 20 7338 7168

ელ. ფოსტა: projectenquiries@ebrd.com

სახელმწიფო სექტორის პროექტებზე ინფორმაციისთვის ეწვიეთ [EBRD Procurement](#)-ს:

ტელ.: +44 20 7338 6794

ელ. ფოსტა: procurement@ebrd.com

ზოგადი საკითხები

კონკრეტულ საკითხებთან დაკავშირებით ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის საშუალებით](#).

გარემოს დაცვისა და სოციალური საკითხების პოლიტიკა (ESP)

ESP-ით და შესაბამისი შესრულების მოთხოვნებით (PR) განსაზღვრულია EBRD-ის მიერ „გარემოს დაცვისა და მდგრადი განვითარების“ მიდგომის განხორციელების გზები. ESP და PR მოიცავს კონკრეტულ დებულებებს, რომ კლიენტებმა დაიცვან ეროვნული კანონმდებლობის შესაბამისი მოთხოვნები საჯარო ინფორმაციისა და კონსულტაციების შესახებ; ასევე შექმნან საჩივრების მექანიზმი დაინტერესებული მხარეების მხრიდან საკითხების წამოჭრის, საჩივრების მიღების და მართვის მიზნით, უფრო კონკრეტულად, კლიენტისა და პროექტის გარემოს დაცვასა და სოციალური საქმიანობასთან დაკავშირებით. პროექტის ეკოლოგიური და სოციალური რისკებისა და ზემოქმედების ბუნებისა და მასშტაბის შესაბამისად, EBRD დამატებით მოითხოვს კლიენტებისაგან, რომ მათ, საჭიროებისამებრ, გააზიარონ ინფორმაცია პროექტების შედეგად წარმოქმნილი რისკების და ზემოქმედების შესახებ, ან ჩაატარონ არსებითი კონსულტაციები დაინტერესებულ მხარეებთან და განიხილონ და რეაგირება მოახდინონ მიღებულ უკუგებაზე.

დეტალური ინფორმაცია EBRD-ის საქმიანობასთან დაკავშირებით მოცემულია [ESP](#)-ში.

ერთიანი მიდგომა და სტანდარტების დაცვა

EBRD-ის მთავარი შესაბამისობის ოფიცრის ოფისი (OCCO) ხელს უწყობს კარგ მმართველობას და უზრუნველყოფს ბანკის საქმიანობის პროცესში უმაღლესი სტანდარტების შესრულებას საუკეთესო საერთაშორისო გამოცდილების გათვალისწინებით. ბანკის ყველა კლიენტის შემთხვევაში, ტარდება კომპლექსური საიმედოობის კვლევა, რომლის მიზანიც პროექტების განხორციელებისას პრინციპების დარღვევის, ან რეპუტაციის შელახვის რისკის თავიდან აცილებაა. ბანკი თვლის, რომ პროექტის შეფასების ეტაპზე, პრობლემების იდენტიფიცირება და მოგვარება, ყველაზე ეფექტური საშუალებაა საბანკო ტრანზაქციების შესაბამისობის უზრუნველსაყოფად. OCCO გადამწყვეტ როლს ასრულებს დამცავი ზომების გატარების პროცესში და ასევე, ხელს უწყობს პროექტებში ინვესტიციების განხორციელების შემდგომი რისკების მონიტორინგს.

OCCO ასევე პასუხისმგებელია თაღლითობის, კორუფციის და არასათანადო ქცევის შემთხვევების გამოძიების პროცესზე EBRD-ის მიერ დაფინანსებულ პროექტებში. ინდივიდმა, ბანკის შიგნით თუ მის გარეთ, რომელსაც გაუჩდება ეჭვი თაღლითობასთან ან კორუფციასთან დაკავშირებით, წერილობითი ანგარიში უნდა გაუგზავნოს მთავარ შესაბამისობის ოფიცერს ელექტრონულ მისამართზე: compliance@ebrd.com. **თითოეულ საკითხის შემთხვევაში**, OCCO-ი დაიწყებს მოკვლევას. მოხდება თითოეული ანგარიშის, მათ შორის ანონიმურის, განხილვა. ანგარიში შეიძლება დაიწეროს ბანკის რომელიმე სამუშაო ენაზე, ან იმ ქვეყნის ენაზე, სადაც ბანკი საქმიანობს. ბანკისათვის ინფორმაციის მიწოდება უნდა მოხდეს კეთილსინდისიერად.

ინფორმაციაზე წვდომის პოლიტიკა (AIP)

ინფორმაციაზე წვდომის პოლიტიკის დოკუმენტით, რომელიც ძალაში შევიდა 2020 წლის 1 იანვარს, განსაზღვრულია EBRD-ის მიერ ინფორმაციის გავრცელებისა და დაინტერესებულ მხარეებთან კონსულტაციის წარმოების გზები, ცნობიერების ამაღლებისა და ბანკის სტრატეგიის, პოლიტიკისა და ოპერაციების უკეთ გააზრების ხელშეწყობის მიზნით. EBRD-ის ვებგვერდზე ხელმისაწვდომი ინფორმაციის სანახავად, გთხოვთ, ეწვიოთ [ინფორმაციაზე წვდომის პოლიტიკის გვერდს](#). კონკრეტული ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის გამოყენებით](#).

პროექტის ანგარიშვალდებულების დამოუკიდებელი მექანიზმი (IPAM)

თუ კლიენტთან ან ბანკთან, გარემოს დაცვის, სოციალური ან საჯაროობის პრობლემების მოგვარების მცდელობა წარუმატებელია (მაგ., კლიენტის მიერ პროექტის დონის საჩივრების მექანიზმის საშუალებით ან ბანკის მენეჯმენტთან უშუალო კომუნიკაციის გზით), ინდივიდებსა და ორგანიზაციებს შეუძლიათ მიმართონ EBRD-ის პროექტის ანგარიშვალდებულების დამოუკიდებელ მექანიზმს.

IPAM-ი დამოუკიდებელად განიხილავს პროექტის ირგვლივ წამოჭრილ იმ საკითხებს, რომლებმაც გამოიწვიეს, ან შესაძლოა, გამოიწვიონ ზიანი. მექანიზმის მიზანია - პროექტის დაინტერესებულ მხარეებს შორის დიალოგის ხელშეწყობა გარემოს დაცვის, სოციალური და საჯაროობის საკითხების გადასაჭრელად; ასევე, იმის დადგენა, არის თუ არა ბანკი შესაბამისობაში [გარემოს დაცვით და სოციალური პოლიტიკასა და ინფორმაციის ხელმისაწვდომობის პოლიტიკის](#) კონკრეტულ პროექტთან დაკავშირებულ დებულებებთან; და სადაც ეს რელევანტურია, აღნიშნულ პოლიტიკის დოკუმენტებთან ნებისმიერი შეუსაბამობის აღმოფხვრა და ბანკის მიერ მომავალი შეუსაბამობის თავიდან აცილება.

გთხოვთ, ეწვიოთ პროექტის ანგარიშვალდებულების დამოუკიდებელი მექანიზმის ვებგვერდს, რათა გაარკვიოთ, თუ როგორ უნდა შეიტანოთ განსახილველი მოთხოვნა [კონფიდენციალური ონლაინ ფორმის](#) საშუალებით, [ელ.ფოსტით](#), [ფოსტით ან ტელეფონით](#). IPAM-ი მზად არის განიხილოს მოთხოვნების შეტანასა და შესრულებასთან დაკავშირებული საკითხები და პასუხის გაცემა ნებისმიერ კითხვას, [პროექტის ანგარიშვალდებულების პოლიტიკასა და სახელმძღვანელოსთან](#) შესაბამისობაში. მოთხოვნის შესაბამისად, შესაძლოა, განმცხადებელთა იდენტობების კონფიდენციალურობის დაცვა.